



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

II. Die Avgvsti.

**urn:nbn:de:hbz:466:1-9625**

Gratu ani-  
mm.

legium quot hebdomadis ventitarent; quos ille inconferis Catechismi precibus eruditos incitabat, vt Regi Collegij fundatori vitam repetitis clamoribus precarentur: id quod & ipse faciebat, & in morem vsu receptum iam transit. In Rege Ludonico id impense amabat & laudabat quod regnum Dei Matri solemnivoto quorannis repeti solito dedicasset. Incredibili erga Deum fiducia Collegia plura are iuuit; & Petrochorense, Pictauiense, Palense à fundamentis excitauit. Coadiutoris agri frontem cruce signans post breues preces, macte animo illum esse iussit, & conualiturum ita prædixit, vt breui dicto fides non defuerit. Ingentem verrucam, quæ Coadiutorem alium sutoris officio fungi prohibebat, signo Crucis signauit, & postredie nec dolor, nec verruca vlla in manu apparuit. Per iter in Bearnia piscatores nihil à se piscium capi questos iussisse aiunt expresso Crucis signo, in certo loco rete in aquam de-

mittere. Aiebant illi se inde rete non semel vacuum extruxisse: tamen paruere hortanti, & tantam vim piscium extrulere, vt rete rumpere tur. Ita de illo P. Ioannes Regius eius tunc socius qui hæc vidit. Feroci vacca in se furenter irruenti signum Crucis obiecit manu ductum in aëre; & illa miris ad gregem reuertit. Prædixit Ludouicum XIII. Regem prolem masculam suscepturum, idque sæpius affirmauit: Pictauij multis ante annis quam id eueniret, dixit: Denuncio vobis futurum esse Rupella, atque adeo in Bearnia, Societatis nostræ Collegium. Expectate, & breui videbitis gloriam Dei. Imò viuentibus ac videntibus nobis, qui hic præsentibus adsumus, illud eueniet, quod enuncio. Et euenit. de quodam tunc sano & robusto ad munus quodpiam destinato disertè dixit, munus non aditurum, sed prius moriturum. Et vaticinatio euentum fortita est, testibus plurimis.

II. DIE AVGVSTI.

P. FRANCISCVS  
DE LA CROIX.

1. Augusti.  
Belga Tor-  
naci 1644.  
ætat 62.  
Soc. 44.

**N**ouitios, patresque Tertianos, Collegia, Prouinciam religiosè admodum gubernauit. Quanti vocationem suam faceret, manantibus inter loquendum de illa vbertim lachrymis testatus est: quibus persusus persèpè in cubiculo quoque pro illa Dei beneficentia gratias Deo agens, ipsos cubiculi muros exosculabatur, terram etiam crebris osculis lachrymisque honorans. De B. Virgine & sentiebat & loquebatur & scribebat suauissimè; illamque suo spiritui

Præfectam, ac ignis in corde absconditi velut vestalem custodem elegit. Hortulo suo *Mariano* tot linguis typisque nobilitate mirabiles in Deiparæ cultus amores in plurium cordibus excitauit. Immaculatæ Conceptionis cultor eximius, illam suæ conscientie nullâ vnquam, vt opinio est, lethali maculâ scædata, sequestram optauit. Prouincia præpositus, illam suis præposuit, vt ipsa esset prouincia illius Prouincialis omnesque ipsa vt suos gubernaret, illa omnibus prouideret. ita armatis multâ sui afflictione precibus illos sub illius præsidio collocauit. Ad horarias quotidie Immaculatæ Conceptioni suas preces adiecit, alias

KK 3 ad

Callus Bur-  
digala.  
Aug. 1646.  
ætat 78.

Mortific.

Oculi.

Oratio.

B.V.

Vocatio.

B.V.

*S. Ioseph.  
Oratio.  
Noctis.*

*Modestia.*

*Passio Christi.*

*S. Ignatium.*

*Oratio.*

ad S. Iosephum; utraque puræ & cum Deo coniunctæ mentis impetrandæ ergo. Noctu à primo somno surgebat; & Mariam S. Casimiri carmine salutabat. Angeli cognomentum tulit à Mutio Vitelleco Generali, & aliis, arcano illo pudicæ modestiæ magnete in eius facie relucente, aded vt alij per plateas quoque illum sequerentur. Alij verò Francisci verbo scriptorue antiquas & atras nescio quas suas tenebras discussas faterentur. In sacrificio Missæ frequentes illi lachrymæ: frequens aliàs quoq; memoria Crucifixi cuius honori primus ille, vt aiunt, in Prouinciam vsium quadragesimalium meditationum induxit. Duaci ipse biennio id flagranter exercuit & modum commonstrauit. Fatebatur se à Deo donatum eximiâ quadam & sublimi opinione de Sancti Ignatij magnalibus, & excelitate sanctitatis. Per totos 20. annos in chartas retulit pia sensa quæ inter orandum è Dei pectore hauriebat.

### P. LVDOVICVS

VANACKERE.

*Belga Mō-  
tibus 2. Au-  
gust. 1653.*

*Confessio,  
quotid.*

*Patientia.*

*Humil.*

**V**ir timens Deum, & vel ad vmbra peccati sapienter panidus. Frequens illi cum patre spirituali de domo interiore colloquium; & conscientia quotidiana expiatio per pœnitentiæ sacramentum. Animus autem plenè subactus ac domitus, vt nec ad iram occasione vlla, nec ad doloris impatientiam diris calculi cruciatibus vnquam erumperet. Ab apoplexia ferè claudus, & à valetudine patum firmus, inferiores tamen classes per duos & viginti annos, constanter seruata semper temporis distributione, ac animi perpetuò tranquillitæ æquitate docuit, raro & religio-

so in paucis exemplo.

### P. ERNESTVS

MAIRHOFER.

**A**Nte 80. & amplius annos ad Societatem, ante 68. annos ad altare Dei in primo sacrificio ingressus, excepto biennio sæculum vnum vixit, sacerdotum omnium, in vniuersa Societate; quâ scire licuit, antiquissimus; & tamen ætatis priuilegio ad arctandam, non verò ad laxandam disciplinam utebatur. Simplicitati, diligentia, ac perpetuæ sui afflictationi, etiam in decrepitis annis, apprimè adiectus fuit, cum se ter quot hebdomadis vsque ad ætatem vltimam verberaret, ac feria 4. cum Sabbato ieiunaret: præter longum ante pascha ieiunium, quod ne nonagenarius quidem omisit, aut laxauit.

*Germanus  
Hale. 1. Au-  
gust. ætat.  
98. Soc. 30.*

*Mortific.*

### P. FRANCISCVS

CARRION.

**I**N Indiam cum Alexandro Valignano Visitatore, ac postea in Iaponiam penetrauit: eiusdem iussu primus annuarum Iaponicarum autor, anno 1579. In Scimo insula, & Meaci strenuè industriæ suæ vires exercuit; & in plurimâ patientiæ segere lætam sementis Euangelicæ à se iactæ messem vidit. Expectatam in Règno Bungenfi mortem, Firandi tandem reperit; vbi post egregias de impietate reportatas victorias, permultis Christo lustratis, odia barbarorum in se conciuit, & veneno sibi clam ab iis propinato per triduum cruciatus, multo reiecto sanguine, Ikizuki in vico eius insulæ, vitam immoralem, vt bona spes est, nobilissimâ obitâ morte inuenit.

*Hispanus  
Ikizuki. 2.  
Aug. 1594.  
ætat. 38.  
Soc. 19.  
Fides.*

III. DIE